

DEO OPTIMO MAX.

UNI ET TRINO,

VIRGINI DEI-PARÆ, ET S. LUCE,

Orthodoxorum Medicorum Patrono.

BIJ Santé
Médecine
Paris

QUÆSTIO MEDICA*,

CARDINALITIIS DISPUTATIONIBUS,

manè discutienda in Scholis Medicorum, die Jovis primâ mensis Martii,

anno Domini M. DCC. LXXXVII.

M. NICOLAO JEANROY, Doctore Medico, Præside.

An post longas defatigationes, subito instituta via deses, periculosa?

I.

EDICTO irrevocabili, natus inter dolores homo, per vitæ summam brevem, quam multis opprimitur miseriis! A Naturâ prima mali labes. At sæpius sexcentis vitæ erroribus, ipsi Naturæ vitio stimulum addimus: nec per nostram patimur stultitiam, sopita filere aliquandiu quæ fovemus intus morborum semina: sicque ineluctabilis lethi acceleramus gradum. Quàm aliter esset mortalibus, si religiosi Medicinæ cultores, illius aris debitos imponerent honores! Discerent ab eâ, vitam quæ faciant beatiorē. Qui leges illius servat, salubrem aspectum solis, salutiferamque ventorum perflationem in habitationem volet sibi catus hospes. Curæ semper erit illi purus aër, tenuis, serenus, temperatus, nullis inquinatus vitiiis. Non omnia indiscriminatim usurpabit alimenta; quæ magis Euchyma, Euepta magis feliget. Deteriora sobrietate reddet benefica. Appositis quæcumque sint, eduliis utetur ad reficiendum corpus, non ad irritandam voracitatem. Potum quæret qui faveat digestionem, sedetque sitim, non verò accendat. Legitimè tantum excernenda, è corpore prudenter eliminabit; retinenda servabit prudentior. Doctus quàm profint læti affectus, animi pathemata, tranquillitati suæ infensa, virabit sapiens. Docet pariter Ars salutifera longiori somno turpiter saginari corpus, vigiliarum nimietate tabescere ocius. Utriusque par necessitas: suus sit in utroque modus. Monstrat quid & quantum dotibus contrarius conferant ad vitam motus & quies. Motu vivimus, pereunte motu vita perit. Viget ab illo solidorum fluidorumque corporis actio reciproca, vigent functiones, secretiones & excretiones variæ. Provocat appetitum, digestionem utilem operam reddit, providet nutritioni opportunæ, totum corpus firmat. Sed ne quid nimis. Lassitudinem supervacaneam fugiens, non reformidabis necessariam. Hâc arte blandam voluptatem afferent succedaneæ quietis vices. Illius beneficio labefactatæ reficientur vires, corpus instaurabitur. Vis sanus esse? Prudens alterum tempestivè alteri oppone. Eventu non dubio, alter alteri si modum non excesseris, medebitur. Si excesseris, cautè progredere: corpore diuturnis laboribus defatigato,

* Propugnata, anno 1761, ab illust. Præside, Theodosio Authore.

cave subito desidiolæ vitæ prorsus te committas. Omnis enim subita mutatio periculosa.

I I.

PERICULOSAM esse omnem mutationem subitanæam etiam si non merneret opportunè divus Senex, nonne vulgaris & quotidiana indicat experientia? Calefacta nimis corpora halitu frigido diffilire protinus, quis ignorat? Partes corporis viventis frigore urenti stupefactas, si æstu subito hypocausti calidioris imprudenter assentur in gangrænam & sphacelum abire norunt omnes. Calidam aëris temperiem frigida excipiat, pressio pede sequitur proteiforme Catharorum genus omne; nascuntur Anginæ, Pleuritides, Peripneumonix, &c. Repentinis quibuscumque aliis aëris mutationibus mille modis afficimur aut lædimur. Lætitia & moeror, si ex improvviso, jure pari mortem subitam afferunt. A subito furore, timore, vel aliis quibuslibet animi pathematibus idem periculum imminet. Quid non reformidandum à subitâ suppressione mensium, lochiorum, hæmorrhoidum, &c? Evacuationes quædam, licet exleges, si consuetæ (ut in quibusdam hominibus,) cum medicastrosum imperitiâ sistuntur imprudenter, quàm tristes agunt in corpore tragœdias! Non aliâ ratione, doctâ medentis operâ ereptus orci faucibus æger, post longa jejunia, si Medico diffidentibus stultè credens mulierculis latrianti stomacho subito nimis indulgeat, tollitur è medio non hæc pollicitus sibi. *Ipsa quoque consuetudo, quàm non malè alteram naturam appellant, fert vix credenda.*

Boher.
num. 1026.

Hinc.

*Profecit poto Mithridates sape veneno,
Toxica ne possent sava nocere sibi.*

Boher.
num. 1027.

Helluones, edacesve, severiori diætâ, vini liquorumque ardentium strenui potiores, à subitâ consuetorum privatione, quasi fulcro soluto repente cadunt. *Mutatio subita à consuetis in nova, est ubique & semper quàm maximè periculosa, licet ex malis vulgè habitis in bona putata transiverit.*

F I I.

NON aliter sentias de vitâ desidiosâ post longas defatigationes subito institutâ. Otia non continuata, sed interpolata, corpori reficiendo e regum quidem ferent auxilium; at non impunè violentioris status quies longior proximas excipiet vices. Nec mirum: Quid enim per longas defatigationes corpori accidit? Quotidiano motu; eoque vehementiori quàm par esset, solidæ partes concussæ, majorem sollicitant influxum spirituum animalium, non sine magno tam pretiosi laticis dispendio vividius oscillant; hinc in fluidas reagent potentiùs, earumque accelerant gradum. Ab ingenti solidorum fluidorumque attritu, calor naturalis augetur ultra modum, functiones nimis intenduntur, aut pervertuntur. Sanguis reciproçè magno impetu exprimitur & admittitur intrâ suos canales. Nec inde feliciùs absolvitur secretionum opus: fervidiori cursu abrepti humores vix subeunt minima vasorum secretoriorum oscula, aut partes eorum crassiores, tenuioribus solis frequentandos permeantes, canaliculos, non invitanda sibi transiliunt loca. Fiunt interea copiosiores omnis generis excretiones per poros cutis, renes, intestina, &c. Motu continuo aquosæ diffanrur humorum particulæ, spirituosæ avolant; retinenda excernuntur foras; retenta coguntur in densitatem inflammationi proximam. Olea & sales nimis trita & attenuata quasi in putredinem exaltantur. Plus equidem appetit ventriculus fame vividiori sollicitatus, digerit animosius. Sed quâ tot parium detritarum reparationi sufficiat unus? Cùm præter-

rim desideretur placidus ille intestinorum motus ad perfectam chyli secretionem tantoperè requisitus. Fractum igitur nec satis instauratur corpus, nec humidum radicale, vitæ pabulum illud apud veteres tam solemne, planè refarcitur. Tristis sanè corporis conditio, in quâ præceps ruit ad interitum! At quàm tristior, si accedat improvisa quies & continuata! Quæ modò ultrà modum erant tensæ fibræ, relaxatæ in pari ratione fatiscunt. Jam nullò stimulo excitatæ torpescent vasa. Hinc languēbit humorum circulatio. Eorundem dissipatis prævio motu fluidioribus particulis factam inspissationem, jam non compensabit effæta solidorum actio. Hinc congestiones, obstructions omnimodæ. Languente omni solidorum systemate: languēbunt & ipsa secretoria organa. Præviæ, aut nullæ fient secretiones. Item de excretionibus; torpentibus osculis vasorum transpirationi indicatorum, non sentiet corpus debitæ perspirationis beneficia. Deficienti attractivæ denegabunt operam alvus, vesica, fæcæ & ipsæ inertes. Jam silet irrita lex sapientis naturæ, quâ iussit excretiones alias aliarum esse vicariās. Retentis excernendis, à luxuriantium humorum foedâ colluvie quid non reformides! Non magis ingesta favent. Solito motu orbatus non appetita malè digerit alimenta ventriculus. Prævis auspiciis confecta chylosis, hæmatosim labe suâ inficit. Hinc pessumdati humores quotquot sunt in corpore, (utpotè à sanguine derivati); quasi certatim suam singuli afferent morborum iriadem. Hoc docet ratio, confirmat experientia.

F V.

ET verò in agricolarum durum genus, & alios homines maximis laboribus addictos conspiciantur oculi. Dùm infelix pauperies urget, victum quærentes ferè continuo labore exercentur; illis vix requies ulla: & tamen nullum inde patiuntur damnum, contrà ferè illibatâ fruuntur sanitate, longævamque adipiscuntur ætatem. Eadem si ad meliorem fortunam devenerint, & laboribus subitò sese abstineant, sibi prius inauditis statim mille cruciantur infirmitatibus. Falsò incusant prævios labores; vitam fugiant inertem: illis exercitium præstò erit Medicina. Quâ ratione prius stabat incolumis sanitas prævens, eadem solâ amissa restituetur. Aspicere lubeat novos homines, qui omnia suæ fortunæ incrementa debent improbo labori, & irrequietis concursationibus queis sollicitè fortunam ambientes fecerè ut ipsos Plutus amaret, cumulareretque bonis. Dùm res angustia domo cogeat ad laborem, inculpatâ sanitate floreant. Mox re fortunisque auctiores dum plaudunt sibi, mollique otio diffiunt; fortunâ dulci ebrios numero beatorum eximit, aureis trabibus insidens morborum cohors. Robustus acri labore Miles, igneam per æstatem, pluviosque ventos, vitam sub dio & trepidis agit in rebus. Castra movet, aut ponit: nunc gravibus oneratus armis, longum & difficile iter facit; nunc raptim cursus magis quàm itineris modò in hostem ducitur. Pulvere fordidum, totumque madentem sudore plusquàm frugaliter excipit mensa. Stratus humi, ferè nudus, sub jove frigidò, noctis vix degustat otia. In obsidi nobis urbium quot superandi labores! Vix credas inexpectus. Quis sit, ut tam durum sustineant homines vivendi genus, imò valeant, sint læti, sint florentes; nisi quod ab ipso vires animumque ducant labore? Adde quod gravem militiam non parum levet amor patriæ, & pulchra laudum cupido. At verò sitam laboriosæ vitæ protinus otia continua succedant, militarium laborum quàm quietis patientiores, semota prius occupat morborum castrava. Nonne prævi moris febres omnigenæ, pleuritides, peripneumoniæ nothæ, scorbutus, &c. totidem imprudentis otii stipendia, in hibernis plus densant funera militum, quàm media inter prælia ipse hosticus ens? Exercitu ferè incolumi Alpes impervias perripit Annibalis labor, Romanosque ad Trebiam, Trasimenâ, &

4

Cannas ingenti cæde prostravit. Sed Annibalis ejusdem exercitum, quem fortium
arma Romanorum non vicerant, fregerunt ad Capuam mollioris otii voluptates
& deliciæ. Adeo corpus animumque ignava corrumpunt otia!

V.

QUIS posthac ausit post longos labores imprudenti sese committere otio,
cum à quiete minus cautè usurpatâ tot immineant pericula! Sibi longè tutius
confulet quisquis exercitio indulgens debito, illius modum non excefferit. De-
fessum corpus, non attritum, moderata quies certò reparabit & citrà noxam. At
verò si necessitas imperiosior coegerit ad longos labores, ne imprudentius malum
malo addas. Quæ data suo tempore profunt, intempestivè administrata nocent.
Quiete subitâ & diutius protractâ nedum deperdita resarciuntur, instaureturque
corpus, fibrarum subitâ relaxatione earumque atoniâ, prosternuntur vires magis
ac magis, miserè languet humorum circuitus, læditurque naturalium, vitalium
& animalium functionum triumviratus. Statim igitur corporis rationem habe sedu-
lus; timeas solidis torporem, marcorem fluidis inducere. Non nisi sensim ac sine
sensu quies laboris excipiat vices, ne quid detrimenti sanitas capiat. Nâ facias,
sexcenta ingruent mala quæ seriore exigent penitentiam. Id caverat mens pro-
vida divini Senis docentis: *Naturam ægrè ferre subitas mutationes, sensimque etiam
ad meliora convertendam esse.* Assentiunt melioris notæ auctores: *Neque ex nimio la-
bore subitum otium, neque ex nimio otio subitus labor,* Celsus ait: & aliàs, cum quis
mutare aliquid volet, paulatim debet assuescere. Ast reponet aliquis: *Contraria con-
trariis curantur,* lex est quam suprema morborum medicatrix sancivit natura;
quò igitur longiori labore fuerit extenuatum corpus, eò celerior succedat quies
& diuturnior, ut primam corpus recuperet dignitatem. Suntu quidem alternæ
cum labore quietis vices. Verum est modus in rebus: Otii ut laboris, sunt certi
fines, quos ultra citràque sanitas consistere non potest. Bellè instituta quies defessa
membra levat, reparat spiritus: Sed diuturnior, ex se periculosa, tum maxime
periculi plena est post longos labores. Dum vitant stulti vitia, in contraria cur-
runt; si caret arte, ipsa semper ducit in vitium culpæ fuga.

Libro II,
Aph. 51.

Ergo post longas defatigationes, subito instituta vita deses, periculosa.

**Proponebat Parisiis MARIA-ANTONIUS PETIT, Sueffionæus, Saluberrimæ
Facultatis Medicinæ Parisiensis Baccalaureus.**

A. R. S. H. 1787. AB OCTAVA AD MERIDIEM.

Typis QUILLAU, Saluberrimæ Facultatis Medicinæ Parisiensis Typographi.